



Broj: 01/20-02-1587/23-1  
Sarajevo, 31.05.2023. godine

PREDSTAVNIČKOM DOMU  
PARLAMENTA FEDERACIJE BiH

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 31-05-2023			
Org. jed.	Broj	Priloga	Vrijednost

Dana 30.05.2023. godine održana je 2. sjednica Odbora za obrazovanje, nauku, kulturu i sport Predstavničkog doma Parlamenta Federacije BiH ( u daljem tekstu: Odbor).

Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

### DNEVNI RED

1. Razmatranje Informacije u vezi održavanja Evropskog školskog prvenstva u odbojci pod zastavom Republike Srpske, a koju je dostavio Natmir Buljubašić – član Upravnog odbora Školskog sportskog saveza u Federaciji BiH.

Na osnovu člana 44. a u vezi sa članom 75. Poslovnika Predstavničkog doma Parlamenta Federacije BiH, Odbor podnosi sljedeći:

### IZVJEŠTAJ

#### Ad-1.

Uvodno izlaganje dali su Buljubašić Natmir i Muminović Amir, predstavnici Upravnog odbora Školskog sportskog saveza u Federaciji BiH, te veoma detaljno upoznali Odbor sa Informacijom koju su dostavili na razmatranje i poduzimanje mjera za rješavanje nastalog problema, a koji se odnosi na održavanje Evropskog školskog prvenstva u odbojci pod zastavom Republike Srpske. Nakon uvodnog izlaganja uslijedila je diskusija tokom koje su prisutni članovi Odbora iznijeli svoje prijedloge, primjedbe i sugestije i na kraju jednoglasno podržali sljedeće





## ZAKLJUČKE

- 1. Odbor za obrazovanje, nauku, kulturu i sport Predstavničkog doma Parlamenta Federacije BiH traži od Ministarstva civilnih poslova Bosne i Hercegovine da dostavi informaciju da li je Ministarstvo civilnih poslova Bosne i Hercegovine dalo svoju saglasnost i odobrenje entitetu Republike Srpske da može nastupati na Evropskom školskom prvenstvu u odbojci pod zastavom Republike Srpske i predstavljati se kao država?**
- 2. Odbor za obrazovanje, nauku, kulturu i sport Predstavničkog doma Parlamenta Federacije BiH traži od Federalnog ministarstva kulture i sporta odnosno ministrice Sanje Vlasisavljević da upriliči zajednički radni sastanak sa Odborom za obrazovanje, nauku, kulturu i sport Predstavničkog doma Parlamenta Federacije BiH u prostorijama Federalnog ministarstva kulture i sporta na kojem bi se razgovaralo o temi školskog sporta u Federaciji BiH. Datum i vrijeme radnog sastanka neka predloži ministrica u što skorijoj budućnosti.**
- 3. Odbor za obrazovanje, nauku, kulturu i sport Predstavničkog doma Parlamenta Federacije BiH traži od Ministarstva vanjskih poslova Bosne i Hercegovine da uputi protestno pismo prema Međunarodnoj školskoj sportskoj asocijaciji u vidu traženja odgovora kako je mogla učlaniti Republiku Srpsku kao državu članicu u dvije Međunarodne školske sportske asocijacije pod zastavom Republike Srpske kao države i to u: Svjetsku školsku sportsku asocijaciju i Evropsku školsku sportsku asocijaciju i dozvoliti učešće na Evropskom školskom prvenstvu u odbojci pod zastavom Republike Srpske, a gdje je očigledno izostavljena Država Bosna i Hercegovina.**

U skladu sa članom 53. Poslovnika Predstavničkog doma Parlamenta Federacije BiH za izvjestioca je određena Jasmina Biščević - Tokić, predsjednica Odbora.

PREDSJEDNICA ODBORA  
Jasmina Biščević - Tokić, s.r.